

(სსიპ) იაკობ გოგებაშვილის სახელობის თელავის სახელმწიფო უნივერსიტეტი



პროფესიული მომზადებისა და პროფესიული გადამზადების პროგრამების შემუშავების,  
დამტკიცების, მასში ცვლილების შეტანისა და გაუქმების წესი

დამტკიცებულია აკადემიური საბჭოს სსდომაზე

ოქმი № 16

15. 07. 2022

რექტორი:



თელავი 2022

## მუხლი 1. ზოგადი დებულებები

წინამდებარე წესი განსაზღვრავს სსიპ-იაკობ გოგებაშვილის სახელობის თელავის სახელმწიფო უნივერსიტეტში(შემდგომში თესაუ)- პროფესიული მომზადებისა და პროფესიული გადამზადების პროგრამის შემუშავების, დამტკიცების, მასში ცვლილების შეტანისა და გაუქმების პროცედურებს.დოკუმენტი შემუშავებულია „პროფესიული განათლების შესახებ“ საქართველოს კანონის, „პროფესიული მომზადების პროგრამისა და პროფესიული გადამზადების პროგრამის განხორციელების უფლების მოპოვებისა და სახელმწიფოს მიერ აღიარებულად ჩათვლის წესისა და პირობების დამტკიცების თაობაზე“ საქართველოს მთავრობის 2019 წლის 15 მარტის №131 დადგენილებისა და „პროფესიული მომზადების პროგრამისა და პროფესიული გადამზადების პროგრამის შემუშავებისა და დამტკიცების წესის განსაზღვრის თაობაზე“ საქართველოს განათლების,მეცნიერების,კულტურისა და სპორტის მინისტრის 2019 წლის 26 მარტის №59/ნ ბრძანების საფუძველზე.

## მუხლი 2.პროფესიული მომზადების და პროფესიული გადამზადების პროგრამის არსი

1.პროფესიული მომზადების პროგრამა არის პროგრამა,რომელიც პირს ამზადებს პროფესიასთან დაკავშირებული ცალკეული ამოცანებისა და მოვალეობების შესასრულებლად.პროფესიული მომზადების პროგრამით გათვალისწინებული სწავლის შედეგები შეიძლება შეესაბამებოდეს ეროვნული კვალიფიკაციების ჩარჩოს მე-2/მე-3/მე-4/მე-5 დონეს,რომელთან შესაბამისობაც დგინდება საჯარო სამართლის იურიდიული პირის-განათლების ხარისხის განვითარების ეროვნული ცენტრის მიერ განსაზღვრული მეთოდოლოგით.

2.პროფესიული გადამზადების პროგრამა არის პროგრამა,რომლის მიზანია კომპეტენციების შეძენა ან/და განვითარება იმავე სფეროში პროფესიული საქმიანობის განსახორციელებლად.პროფესიული გადამზადების პროგრამით გათვალისწინებული სწავლის შედეგები შეიძლება შეესაბამებოდეს ეროვნული კვალიფიკაციების ჩარჩოს მე-2/მე-3/მე-4/მე-5 დონეს,რომელთან შესაბამისობაც დგინდება საჯარო სამართლის იურიდიული პირის-განათლების ხარისხის განვითარების ეროვნული ცენტრის მიერ განსაზღვრული მეთოდოლოგით.

### **მუხლი 3.პროფესიული მომზადების და პროფესიული გადამზადების პროგრამის შემუშავების საფუძვლები**

- 1.თესაუ პროფესიული მომზადების პროგრამას/პროფესიული გადამზადების პროგრამას შეიმუშავებს ელექტრონული სისტემის მეშვეობით. პროგრამის შემუშავების საფუძვლები შეიძლება იყოს:
  - ა) პროფესიული საგანმანათლებლო პროგრამა;
  - ბ) პროფესიის სტანდარტი;
  - გ) პროფესიულ-საგანმანათლებლო სტანდარტი;
  - გ) მოდული/მოდულები;

დ)საქართველოს კანონით ან/და საქართველოს მიერ რატიფიცირებული საერთაშორისო ხელშეკრულებით ან/და სხვა საერთაშორისო აქტებით კონკრეტული სფეროს რეგულირებისათვის დადგენილი მოთხოვნები;

ე)დასაქმების საერთაშორისო კლასიფიკატორი ISCO-08ან/და საქართველოს ეროვნული კლასიფიკატორი ეკონომიკური საქმიანობის სახეების შესახებ;
2. პროგრამის შემუშავების საფუძველი ამ მუხლის პირველ პუნქტში მითითებული საფუძვლების გარდა შესაძლებელია გახდეს წებისმიერი დოკუმენტი, რომელიც შეიცავს პროგრამის შინაარსის განსაზღვრისთვის აუცილებელ ინფორმაციას.
3. პროგრამის შინაარსი განისაზღვრება ამ წესის დანართის შესაბამისად (დანართი N1).
4. თესაუ მსმენელთა ინდივიდუალური საჭიროების გათვალისწინებით (ასეთის არსებობის შემთხვევაში) უზრუნველყოს შესაბამისი მექანიზმის შემუშავებას.

### **მუხლი 4. პროფესიული მომზადების/პროფესიული გადამზადების პროგრამის შემუშავების პროცედურა**

- 1.პროფესიული მომზადების/პროფესიული გადამზადების პროგრამის ინიცირება შეუძლია წებისმიერ დაინტერესებულ პირს(დამსაქმებელი,თესაუ,სახელმწიფო უწყება და სხვ); ინიცირება ხდება წერილობითი ფორმით თესაუ-ს რექტორის სახელზე.
- 2.პროფესიული მომზადების/პროფესიული გადამზადების პროგრამას,თუ ის არ არის შემუშავებული იმ პროფესიული საგანმანათლებლო პროგრამის ფარგლებში,რომლის განხორციელების უფლებაც მოპოვებული აქვს დაწესებულებას,თან უნდა ახლდეს დასაბუთება პროფესიული მომზადების/პროფესიული გადამზადების პროგრამის საჭიროების შესახებ;
3. პროგრამის შემუშავების მიზანშეწონილობა დგინდება შესაბამისი კვლევის ან დამასქმებლის მომართვიანობის საფუძველზე;
- 4.პროგრამის დამტკიცების,განახლების,ცვლილებების შეტანისა და გაუქმების საკითხზე გადაწყვეტილება მიღება შემდეგი პროცედურების დაცვით: 1.პროფესიული განათლების ცენტრის გადაწყვეტილება;  
2.აკადემიური საბჭოს გადაწყვეტილება/რექტორის გადაწყვეტილება.

- 5.პროგრამის დამატების მიზანშეწონილობის დადგენის მიზნით, უნივერსიტეტის რექტორის ინდივიდუალური ადმინისტრაციულ-სამართლებრივი აქტით იქმნება მუდმივმოქმედი კომისია, რომელიც განიხილავს პროგრამის დამატების ინიცირების შესახებ

განაცხადს;

6. კომისია იღებს გადაწყვეტილებას პროგრამის დამატების ან დამატებაზე უარის თქმის შესახებ, რაც ფორმდება კომისიის სხდომის ოქმის სახით.
7. პროფესიული მომზადების/პროფესიული გადამზადების პროგრამის შემუშავება ხდება სამუშაო ჯგუფის მიერ, რომლის შემადგენლობაში შედიან პროფესიული განათლების მასწავლებლები, პარტნიორი ორგანიზაციის/ორგანიზაციების წარმომადგენლები;
8. სამუშაო ჯგუფის შემადგენლობა მტკიცდება უნივერსიტეტის რექტორის ინდივიდუალური ადმინისტრაციულ-სამართლებრივი აქტით;
- 9.პროფესიული განათლების ცენტრი ხელს უწყობს პროგრამის შემუშავებას ადამიანური და მატერიალური რესურსის გამოყოფით/მოძიებით;
- 10.შემუშავებული პროფესიული მომზადების/პროფესიული გადამზადების პროგრამა 3(სამი) სამუშაო დღის ვადაში განიხილება პროფესიული განათლების ცენტრის ხარისხის უზრუნველყოფის სამსახურის მიერ, დადებითი გადაწყვეტილების შემთხვევაში,პროგრამა განიხილება აკადემიური საბჭოს სხდომაზე ან მტკიცდება რექტორის მიერ;
- 11.პროგრამის ვერიფიკაციაზე უარის თქმის შესახებ გადაწყვეტილების მიღების შემთხვევაში,პროფესიული განათლების ცენტრის ხარისხის უზრუნველყოფის სამსახური, შესაბამისი რეკომენდაციებით, პროგრამას უბრუნებს სამუშაო ჯგუფს, რომელიც 3(სამი) სამუშაო დღის ვადაში უზრუნველყოფს პროგრამის კორექტორებას;
- 12.თუ პროფესიული მომზადების/პროფესიული გადამზადების პროგრამის პრაქტიკული კომპონენტის განხორციელებაში ერთვება მეწარმე სუბიექტი ან სახელმწიფო ორგანო, დასამტკიცებლად წარდგენილ პროგრამას თან უნდა ახლდეს ხელშეკრულება, რომელიც შეიცავს ინფორმაციას თანამშრომლობის ფორმატის შესახებ;
- 13.დაწესებულება ვალდებულია პროფესიული მომზადების/პროფესიული გადამზადების პროგრამის შემუშავების პროცესში გაითვალისწინოს შესაბამის პროგრამაზე/მოდულზე დაშვების წინაპირობები;

#### მუხლი 5.პროფესიული მომზადებისა და პროფესიული გადამზადების პროგრამაში ცვლილების შეტანა

- 1.პროგრამაში ცვლილების შეტანა შესაძლებელია პროფესიული საგანმანათლებლო პროგრამის შეფასების მოქმედი სისტემით გათვალისწინებული გამოკითხვის შედეგების ანალიზის, პროფესიულ სტანდარტში, სსიპ-განათლების ხარისხის განვითარების ეროვნული ცენტრის მიერ პროფესიული საგანმანათლებლო პროგრამის ჩარჩო დოკუმენტში შეტანილი ცვლილებების, შრომის ბაზრის მოთხოვნების ან სხვა გარემოებების საფუძველზე.
- 2.პროგრამაში ცვლილების ინიცირება შეუძლია ნებისმიერ დაინტერესებულ პირს. ინიცირება დასაბუთებულად უნდა იქნას წარმოდგენილი წერილობით სახით;
- 3.პროგრამაში ცვლილების შეტანის მიზანშეწონილობას ადგენს პროგრამის დამატების მიზანშეწონილობის დადგენის მიზნით, უნივერსიტეტის რექტორის ინდივიდუალური ადმინისტრაციულ-სამართლებრივი აქტით შექმნილი მუდმივმოქმედი კომისია.

- 4.თუ პროფესიული მომზადების/პროფესიული გადამზადების პროგრამა შემუშავებულია იმ პროფესიული საგანმანათლებლო პროგრამის ფარგლებში, რომლის განხორციელების უფლებაც მოპოვებული აქვს დაწესებულებას და პროფესიული საგანმანათლებლო პროგრამი შეიცვალა სწავლის შედეგები, რომლის საფუძველზეც შემუშავებულია პროფესიული მომზადების/პროფესიული გადამზადების პროგრამა, თესაუ ვალდებულია, მსმენელთა ახალი მიღების გამოცხადებამდე განახორციელოს პროგრამაში ცვლილება და აცნობოს ამის შესახებ სსიპ განათლების ხარისხის განვითარების ცენტრს;
- 5.თუ პროფესიული მომზადების/პროფესიული გადამზადების პროგრამის პრაქტიკული კომპონენტის განხორციელებაში ერთვება ახალი დამსაქმებელი, პროგრამაში უნდა განხორციელდეს შესაბამისი ცვლილება და ეცნობოს აღნიშნულის თაობაზე ცენტრს;

#### **მუხლი 6. პროფესიული მომზადების/პროფესიული გადამზადების პროგრამის გაუქმება**

1. პროფესიული განათლების ცენტრის ხარისხის უზრუნველყოფის სამსახურის არგუმენტირებული დასაბუთების საფუძველზე აკადემიური საბჭო უფლებამოსილია განიხილოს პროფესიული მომზადების/პროფესიული გადამზადების პროგრამის გაუქმების საკითხი და გადაწყვეტილება მიიღოს პროგრამის გაუქმების შესახებ;
- 2.პროფესიული მომზადების/პროფესიული გადამზადების პროგრამის გაუქმების საფუძველი შეიძლება იყოს:
  - ა) იმ დოკუმენტის გაუქმება, რომელიც საფუძვლად დაედო შესაბამის პროგრამას;
  - ბ) სხვა არსებითი გარემოება.
- 3.პროფესიული მომზადების/პროფესიული გადამზადების პროგრამის გაუქმების შემთხვევაში, თესაუ აღნიშნულის თაობაზე წერილობით აცნობებს სსიპ ხარისხის განვითარების ეროვნულ ცენტრს.

აკადემიური საბჭოს თავმჯდომარე:





1. ზოგადი ინფორმაცია პროგრამის შესახებ

პროგრამის სახელწოდება:

პროგრამის სახე:

- პროფესიული მომზადება
- პროფესიული გადამზადება

ეროვნული კვალიფიკაციების ჩარჩოს დონე:

- 2
- 3
- 4
- 5

პროგრამის ხანგრძლივობა კვირებში:
კვირული სასწავლო საათობრივი დატვირთვა:
მსმენელთა რაოდენობა ჯგუფში:
მინიმალური----- მაქსიმალური -----
პროგრამაზე დამვების წინაპირობები:
პროგრამის მიზნები:
სწავლის შედეგები(რომელიც აღინიშნება ცოდნით ან/და უნარით ან/და კომპეტენციით)
პროგრამის შემუშავების საფუძველი:
პროგრამის მოკლე აღწერა:

## 2.პროგრამის შინაარსი

### 3. პროგრამის თავსებადობა პროფესიულ საგანმანათლებლო პროგრამასთან

(იცხება მხოლოდ ავტორიზებული საგანმანათლებლო დაწესებულების მიერ შემუშავებული პროფესიული მომზადების/პროფესიული გადამზადების პროგრამის შემთხვევაში, რომელიც შემუშავებულია იმ პროფესიულ-საგანმანათლებლო პროგრამის ფარგლებში, რომლის განხორციელების უფლებაც დაწესებულებას მოპოვებული აქვს კანონმდებლობით დადგენილი წესით)

პროფესიულ-საგანმანათლებლო პროგრამის სახელწოდება, რომლის ფარგლებშიც შემუშავებულია პროფესიული მომზადების/პროფესიული გადამზადების პროგრამა	
მოდულის სახელწოდება და საიდენტიფიკაციო კოდი	სწავლის შედეგის დასახელება და რიგითი ნომერი